

**A 1786/tillvæxt****Afgreiðsla** Norræna hagvaxtar- og þróunarnefndin

Nefndarálit norrænu hagvaxtar- og þróunarnefndarinnar um  
**þingmannatillögu um aukið eftirlit með skipum í norrænum höfnum  
varðandi áfengismælingar og öryggi um borð**

**Tillaga**

Norræna hagvaxtar- og þróunarnefndin leggur til að

Norðurlandaráð beini tilmælum til ríkisstjórna á Norðurlöndum um

að þær stuðli að því að neysla áfengis um borð í skipum í atvinnurekstri verði ekki liðin

að þær stuðli að því að hafnarríkiseftirlit verði aukið

að þær stuðli að því að viðurlög við mikilli ölvun um borð í skipum verði hert

**Bakgrunnur**

Í lok júlí og byrjun ágúst 2018 strönduðu tvö stór fraktskip við Loftahammar og Helsingjaborg í Svíþjóð. Skipstjórar beggja skipanna liggja meðal annars undir grun um mikla ölvun.

Norðurlandaráð hefur áður vakið athygli á mikilvægi þess að auka öryggi í siglingum, meðal annars með tilmælum um hafnsöguskyldu á Eyrarsundi. Nú viljum við kanna möguleika á því að auka öryggi með því að herða kröfur um skip sem sigla um hafsvæði Norðurlanda.

Ein leið til að auka öryggi á sjó er að innleiða þá stefnu að neysla áfengis um borð í flutningaskipum verði ekki liðin. Þó er ólíklegt að aukið eftirlit með áfengisneyslu á hafi úti yrði sérlega áhrifaríkt. Slíkt eftirlit gæti reynst flókið og kostnaðarsamt. Árangursríkari leið til að stuðla að því að áfengisneysla um borð í skipum verði ekki liðin væri að okkar mati gegnum tryggingafélögin. Neysla áfengis er ekki liðin um borð í tankskipum sem flytja olíu, að kröfu bæði viðskiptavina og tryggingafélaga. Við viljum að norrænu ríkisstjórnirnar, að höfðu samráði við tryggingafélögin, endurskoði gildandi reglur með það í huga að stuðla að því að áfengisneysla um borð í flutningaskipum verði ekki liðin. Einnig viljum við skoða möguleika á að auka hafnarríkiseftirlit og efla öryggi með því að meina þeim skipum sem ekki standast settar reglur að leggja úr höfn.



## Álit nefndarinnar

Flokkahópur hægrimanna í Norðurlandaráði hratt málinu af stað og var það svo tekið fyrir í Norrænu hagvaxtar- og þróunarnefnd Norðurlandaráðs.

Fyrsta skrefið í meðferð tillögunnar var að senda ríkisstjórnunum á Norðurlöndum skriflega fyrirspurn þar sem þær voru inntar eftir reglum sínum um áfengisneyslu til sjós. Nánar tiltekið voru spurningarnar þessar:

- Hvaða augum lítur viðkomandi ríkisstjórn ölvun meðal áhafna um borð í skipum sem leið eiga um norræn hafsvæði?
- Hvaða reglur gilda í viðkomandi landi um þetta?
- Stendur til að grípa til aðgerða /setja reglur til að mæta þeirri öryggisvá sem slík ölvun hefur í för með sér?

Af svörunum að dæma líta öll norrænu löndin ölvun til sjós alvarlegum agum en hafa mismunandi reglur um vínandamagn í blóði og viðurlög við lögbrotum á þessu sviði.

Norðurlöndum, 15. september 2020

*Anders Eriksson (ÅF)*

*Arman Teimouri (L)*

*Eveliina Heinäluoma (sd)*

*Freddy André Øvstegård (SV)*

*Helge André Njåstad (FrP)*

*Jaspar Langgaard (sb)*

*Joakim Strand (sv)*

*Juhana Vartiainen (saml)*

*Lorena Delgado Varas (V)*

*Lulu Ranne (saf)*

*Nils Aage Jegstad (H)*

*Orla Hav (S)*

*Pyry Niemi (S)*

*Pål Jonson (M)*

*Ruth Mari Grung (A)*

*Stein Erik Lauvås (A)*

*Tore Storehaug (KrF)*